

08.nov. 2016

UKA2016/68-144

Timmisartuutileqatigiiffik Air Greenland nunatta tamakkiisumik pigisariaqarneranik, imaluunniit nunatta piginneqataassutaasa, 37,5 %-iusut, naalagaaffimmut imaluunniit SAS-imut tunineqarpata, taakku arlaat nunatsinnut imminut akilersinnaanerunersoq pillugu apeqquteqaat aallaavigalugu oqallinnissamik siunnersuut.

(Inatsisartunut ilaasortaq Anthon Frederiksen, Partii Naleraq)

Nunatsinni pigisat nalillit aqunneqarneri, kiisalu suliffeqarfiiit inuiaqatigiinit pigineqartut aqunneqarnerminni, annertunerusumik inuiaqatigiit pisariaqartitaat aallaavigalugit ingerlanneqarnissaat, nunatsinilu amerlanerussuteqartunut aningaasarsiornertigut ikorfartuinerunissaannut aqqutissiuinermi iluaqutaanerunissaat anguniarlugu apeqquteqaat allaavigalugu oqallinnissamik siunnersuut.

(Inatsisartunut ilaasortaq Per Rosing-Petersen, Attaviitsoq)

Siullermik Siumumiit oqaatigissuarput siunnersuuteqartut oqallisssianut qaqitaat soqtiginaateqarmata.

Air Greenlandi pillugu oqallissaarummi apeqqut qitiusoq tassaasoraara Kalaallit Nunaata piginneqataassutini suniarpai? Naammaginartumik pissarsissutigisarpai?

Oqaatigisariaqarpa soorunalimi sunaluunniit pittaanerulersinnaavoq, aamma tammanna qularnanngilaq Air Greenlandip ingerlanneqarnerani.

Suliffeqarfimmik ingerlattinerup annertuumik eqqummaariffissaa tassaavoq aningaasartuutinik aquttinissaq. Isertitat aqukkiminaattusinnaapput, pisisartummi apeqqutaammata, kisianni aningaasartuutit suliffeqarfiiup aqussinnaanerusarpai, soorunami aamma taakku minnerfaaffeqarput. Suliffeqarfik Air Greenlandi ingerlannera qanoq akeqarpa?

Sulisut qassiuppat? Aningaasarsisussaapput.

Allaffiit, timmisartunik suliariinniffiit, kingoraartissat allarpassuillu.

Air Greenlandip ukiumut aningaasat kaaviiartitai 1,1 milliard koruunip missaaniippuit.

Sinneqartoorutit 80 milliuunit missaani, agguaqatigiisillugu.

Imaassimavoq Air Greenland ukiumut 1 milliard koruuni missaani akeqarpoq ingerlannera.

Taakkunani suut aningaasartuutit apparsarneqarsinnaappat? Qanoq annertutigisumik apparsarsinnaappat? Apeqqutit imaasiaallaannaq akissutissaqartinngilakka, kisianni soqtiginaateqarpoq misissussallugu.

Kisitsisit immini taaginnarlugit oqaluttuanngillat annertuallaarnersut imaluunniit appasinersut.

Taamaammat suliffeqarfik allanut suliffeqarfinnut sanilliullugu ingerlattinerut aningaasartuutit sanilliutissallugit soqtiginassaqaaq, ingerlattineq akisuallaarpaa? Akisuallaarsimappat, suunuku Air Greenlandip akisunaarlugit aningaasartuutigigai?

Apeqqutit arlaqartut, maannakkut akissutissaqartinngisakka, soqtiginaateqartippagut Siumumiit, taamaasilluta ilisimasat toqqammavigalugit aaliangiinissaq pisinnaaniassammat.

Taamatut oqaaseqarluta oqallisssiaq apeqqutinik arlaqartunik qapilerterisoq, maannakkut akissutissaqartinngisaut, soqtiginartilluguli aningaasartuutit sukkut apparinneqarsinnaasut, inuiaqatigiinnut kiffartuussineq akikinneruleqqullugu. Tusaatissatut Siumumiit tiguarput,

Oqallisissiaq Nunatsinni pigisat nalillit aqunneqarneri, kiisalu suliffeqarfuit inuiaqtigiinit pigineqartut aqunneqarnerminni, annertunerusumik inuiaqtigiit pisariaqartitaat aallaavigalugit ingerlanneqarnissaat, nunatsinilu amerlanerussuteqartunut aningaasarsiornertigut ikorfartuinerunissaannut aqqtissiuinermi iluaqtaanerunissaat anguniarlugu, Siumumiit soqutiginartippalugut.

Imatutllu aallarniutitut oqaaseqarusupput, Siumut malittarisassaaniit tigulaakkamik:

Issuaaneq:

“Inuiaqtigiit nunamik tunniussinnaasai akisussaassuseqartumik atorluarlugit avataaniillu pisariaqartitatik iluaqutigalugit imminnut napatissinnaalerlutilu aqussinnaalersimasut.”

Issuaaneq naavoq.

Inatsisitigut sinaakkutit pitsaasut iluanni tamatta ataasiakkaarluta pisussaaffeqarpugut nunarput asasalut kivitseqataaffigissallugu. Inummimi ataasiakkaaniippoq ullaakkut nammeneq makin-nissaq, inuk nammeneq atuakkerissaaq, sanasup nammeneq kaataq kivissua.

Naalakkersuisut inatsisartullu inatsisitigut sinaakkutit pitsaanerulerluttuinnartut eqaattullu anguniartariaqartuarpaat. Taakku sinaakkutit iluanni ataasiakkaarluta nunatsinnik kivitseqataas-saagut.

Siunnersuteqartoq isumaqtiginarpoq oqarmat Inatsisartut sulinerminni inuiaqtigiit atungarissaanerulernissaat sulissutiginissaa pingaarnesaasa ilagigaat.

Tamaasillunga una apeqqut tikippa, sooruna inuit ilaat atungarissaarnerullutik, pigissaarnerullutik inuuneqartut?

Inatsisartut ukiakkut ataatsimiinnerat aallarnerlugu Naalakkersuisut siulittaasuata oqalugiaataata oqallisignerani Siumumiit apeqqutigaalugut inuuneq pilluarnartoq qanoq ittua?

Maluginiagassaavoq Kalaallit Nunaanni inuit tamatta naligiimmik periarissaqarpugut ilinniagaqalernissamut, allaammi ineqartitaalluta aningaasarsialerlatalu ilinniarsinnaavugut. Naattorsueqqissaarnerit (statistik) qiviaraanni, ilinniarsimasut aningaasarsiaqarnerpaajupput.

Inatsisartut aningaasanik inatsisinillu inuiaqtigiinnut naligiimmik sinaakkusiissussaanngillaat? Taamaasierpugullumi.

Taavami immitsinnut aperisariaqannginnerpugut tamatta ataasiakkaarluta: maani nunami qanoq kivitseqataasinnaavunga?

Suliffeqarfuit Kalaallit Nunaata pigisai pisuuppaat, inuit ataasiakkaat atungarliornerannut?

Nalunngilarput inuk nammeneq ullaakkut makissaaq, inuk nammeneq atuakkerissaaq, kiammi allap atuakkerissussammagu? Nalunngilarput sanasup nammeneq kaataq kivissavaa, kiammi allap kaattaassussammagu?

Oqaatigisariaqarpoq tamatta nunatta pisariaqartippaatigut, tamatta ataasiakkaarluta aperisariaqalinnginnerpugut nunaga qanoq sullissinnaavara? Suna uanga pikkoriffigaara? Nunamma ingerlanneqarnera tamatta ataasiakkaarluta peqataaffiginnngikkutsigu taava kiap ingerlatissavaa? Nalunngilarput pisortat aggerunnanngillat atuakkerissullutit, taanna akisussaaffik inummi ataatsimiippoq.

Tamatta pikkoriffeqarlatalu atorfissaqarpugut.

Taamaattoq aamma ilisimavarput nunaqqaterpassugut ilungersorlutik inuuneqartut.
Allaammi peroriartornermi tarnikkut ima innarligaatigisimasinnaapput, inuiaqitiinnut
kivitseqataanissamut pisinnaanatik. Pisortat ikorfartuinissamut pisussaaffeqarput, inuit ataasiakkaat,
ilaqutariit ataasiakkat alloriarnisaannut. Tamannalu annertuumik kommuunini ingerlanneqarpoq,
kisianni aamma ajoraluwartumik naammaginanngittumik ingerlanneqartoq takusinnaavarpot.

Taamasillunga apeqqutit imaattut tikippakka:

Kalaallit Nunaanni suliffeqarfiiit pisortanik pigineqartut, piaaraluni ajorseriaanissaq siornertaralugu
ingerlanneqarpaat?

KNI A/S, Tele Greenland A/S, Nukissiorfiit, allallu, qanoq pittaanermik ingerlanneqarsinnaappat?
Aningaasartuutaat annertuallaarpaat, taamaassappat suut aningaasartuutit annertuallaarpot? Qanoq
annertutigisumik aningaasartuutit millisissinnaappat?

Soraarsittisoqassuaa? Tamaassappat, qassit? Sumi taava suliffeqalissappat?

Suliffissaalleqisunngussappalluunniit?

Pisiassanik piniarfiiit akisuallaat atorneqarpaat? Taamaassappat piaaraluni, nalunngikkaluarlugu
akikinnerni piniarfissaqarluni, akisunernik piniartarpaat?

Apeqqutit arlaqartut imaasiallaannaq akineqarsinnaanngitsut.

Qulanarnanngitsorli aajuna, Kalaallit Nunaata ingerlanneqarnera ataavartumik
oqallisigisariaqarpoq, inuiaqatigiinnut oqinnerpaaq ujartorumallugu.

Tamattali aamma ataasiakkaarluta pisussaaffeqarpugut immitsinnut kivissalluta, taamaasilluta
nunaput aamma kivissagatsigu.

Taamatut oqaaseqarluta Siumumiit oqallissaarut tusaatissatut tiguarput.

Qujanaq.

Jens-Erik Kirkegaard, Siumut.